

又第二王功力漸大依灌頂法在於某方受

王灌頂得灌頂已乃至盡壽常所思念

又第三王有大威力戰勇最勝一切對敵而

悉信伏以最勝故得勝安住依灌頂法在於

某方受王灌頂得灌頂已乃不盡壽常所思

念汝諸苾芻亦復如是於三時中在於某方

作修證事乃至盡壽常所思念何等爲三謂

有苾芻發正信心捨家出家剃除鬚髮被袈裟

衣此爲第一在於某方修苾芻事乃至盡

壽常所思念

又有苾芻修諸勝行爲證滅故斷諸集法如

是知已遠塵離垢於諸法中得法眼淨此爲

第二在於某方修苾芻事乃至盡壽常所思

念又有苾芻諸漏已盡非漏隨增心善解脫

善解脫自智所證已得成就我生已盡梵

行已立所作已辦不受後有此爲第三在於

某方證聖果事乃至盡壽常所思念

## 佛說灌頂王喻經

戊六

十五

### 廣大發願頌

龍樹菩薩造

西天譯經三藏耶婆訥譯蘇闍梨等奉詔譯

所有一切衆生類遇未現在世無盡

而諸佛刹廣無邊

又一一塵爲一刹

一一刹中正覺尊

彼塵倍聚諸佛刹

我常供養以一心

頂禮諸佛及法衆

彼無邊刹塵充滿

廣大佛刹如塵等

如塵無量我普禮

刹中佛佛我稱讚

經如塵數廣大劫

我於三寶常歸命

我悉持以諸妙華

及衆寶聚常普施

若我已起一切罪

我今普盡而懺悔

若我未生一切罪

我一切時常遠離

所有一切勝福事

我於一切常隨喜

此福迴向於有情

及佛無上菩提果

如佛正法中所說

願力堅固復真實

我常供養諸世尊  
願我生生具深智  
悲心息苦救世間  
賢善愛眼親衆生  
慈意善觀諸情品  
布施願如虛空庫  
忍辱精進二度門  
定力能攝諸散亂  
善說十地諸法門  
於佛世尊善請問  
深心智慧具堅固  
神通無礙善方便  
善護衆生諸善根  
善說波羅蜜等決  
具足無量妙音聲  
近善知識心無懈  
虛空無喻法能宣  
地能長養諸世間  
願我最後得成佛  
常如妙吉祥菩薩  
願如觀自在菩薩  
願與普賢尊無異  
願我常如慈氏尊  
持戒願如神通慧  
願我悉如常精進  
願我得如金剛手  
說智願如金剛藏  
願我得如除蓋障  
願我常如堅固慧  
願我得如無垢稱  
勤勇願如常勇猛  
願我得如無盡意  
願與妙音尊無異  
願我生生如善財  
願我得如虛空藏  
普利願如地藏尊

息除貧苦利衆生  
語出無盡妙法寶  
智慧堅利復常勤  
此等最上諸佛子  
名稱廣大復無盡  
我此讚佛功德聚  
願與常啼尊無異  
最勝功德聚無邊  
願我名稱亦如是  
最上勝善極廣大

普願世間諸有情 住彼最勝功德聚

廣大發願頌

十八

茂六